

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317411910 որոշումն անփոփոխ թողնելու, իսկ թիվ 2317403636, 2317241342, 2317240741 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<<11>> 12 2023թ. 7-13-12388

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Անդրանիկ Մարտիրոսյանի ՄԴ/94879-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորք վարչական շրջանի Բաղյան փողոցի 3/3 շենքի 10 բնակարանի բնակիչ Անդրանիկ Մարտիրոսյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2317411910, 2317403636, 2317241342, 2317240741 որոշումները՝ նշելով, որ իրավախախտումները կատարվել են իր անվամբ հաշվառված և կորած AD940 հաշվառման համարանիշով, ինչը տեղադրված է եղել այլ տրանսպորտային միջոցի վրա:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական տույժ նշանակելու մասին թիվ 2317403636, 2317241342, 2317240741 որոշումների իրավախախտումների փաստերը հավաստող տեսանյութերի և լուսանկարների ուսումնասիրության արդյունքում պարզ է դառնում, որ իրավախախտումները կատարած տրանսպորտային միջոցի և դիմումատուի անվամբ հաշվառված <<SUZUKI>> մակնիշի AD940 հաշվառման համարանիշի տրանսպորտային միջոցի նույնականացումը բացասական արդյունքի է հանգեցրել, հետևաբար թիվ 2317403636, 2317241342, 2317240741 որոշումները ենթակա են բեկանման:

Հարուցված վարչական վարույթի շրջանակներում կատարված ուսումնասիրությամբ պարզվել է, որ, համաձայն Ճանապարհային ոստիկանության տրանսպորտային միջոցների հաշվառման էլեկտրոնային ռեգիստրի տվյալների, <<SUZUKI>> մակնիշի CA44A-100522 նույնացման համարի տրանսպորտային միջոցին 05.10.2023թ. հատկացվել է AD940 կրկնօրինակ հաշվառման համարանիշը:

Վարչական տույժ նանակելու մասին թիվ 2317411910 որոշման իրավախախտման փաստն ապացուցող տեսանյութի և լուսանկարի ուսումնասիրությամբ պարզվել է, որ խախտումը կատարվել է Անդրանիկ Մարտիրոսյանի անվամբ հաշվառված <<SUZUKI>> մակնիշի AD940 կրկնօրինակ հաշվառման համարանիշով, ուստի, տվյալ պարագայում, վերը նշված վարչական տույժ նշանակելու մասին որոշումը բեկանելու հիմքեր առկա չեն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317411910 որոշումը թողնել անփոփոխ, իսկ վարչական բողոքը՝ դրան վերաբերող մասով՝ առանց բավարարման.
2. Ճանապարհային ոստիկանության վարչական տույժ նշանակելու մասին թիվ 2317403636, 2317241342, 2317240741 որոշումները բեկանել և վարչական իրավախախտումների վերաբերյալ գործերի վարույթները կարճել.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Անդրանիկ Մարտիրոսյանին:

Անդրազարյան



Ա.Արզախյան